




欽定六部處分則例卷四十一目錄

盜賊上

稽查盜賊

稽查墩汛塘鋪

五城竊案

家奴盜竊

外省竊案

衙署被竊

諱竊

五城盜案

查驗被盜情形

題參疎防

事主報盜

州縣官報盜

外省盜案

連劫

馬賊攔搶

夥衆行竊搶奪

一人劫竊搶奪

蒙古藩封地方盜案

湖北武黃廳沿江盜案

廣東番禺東莞二縣盜案

山東濟寧州同盜案

接緝盜犯

金匱要略卷之十一
交界地方協緝

隔境提盜提賊

諱盜

捏報獲盜

輕縱竊盜

借盜銷案

營兵獲賊移會武員確訊

營汛有無獲案月終詳報

欽定六部處分則例卷四十一

盜賊上

稽查盜賊

一編排保甲稽查盜賊不許容留來歷不明之人如州縣官奉行不力降二級調用兼轄之府州同城者降一級調用不同城者降一級留任統轄之道員同城者降一級留任不同城者罰俸一年俱公揭報

題參者免議

一地方如有窩隱盜賊之家許令保正甲長牌頭據實稟首立即往拏究問得實按律治罪將拏獲之員每案准其紀錄二次儻失於查拏經別處獲犯供出曾在某處容留將該地方管轄各官均照前例議處

稽查墩汛塘鋪

一嘉慶十七年十月十七日奉

上諭直省驛路通衢設立塘汛亭墩相望即間有盜賊伏伺而兵役

巡邏聲氣聯絡不難立時擒捕規制最爲周密乃近日奉行不力漸就廢弛朕於來往奉使臣工詢問沿途所經據稱營房大半坍塌兵丁駐守巡查者甚屬寥寥冬昏曉孤行商旅胥有戒心甚至河南

地方竟有戕劫差弁之案若不嚴加整飭則姦宄肆行尙復成何事體向來各省塘汛邊關之處州縣官並增設更鋪夫役來往梭巡近亦相率裁汰不以緝捕爲事宵小益無顧忌著通諭各督撫嚴飭所轄文武員弁會同協辦將境內墩汛塘鋪查明一律修整派撥兵役常川守望稽查如有疎縱失事者嚴參究辦若督撫諱匿不舉查出一律懲處務使戢暴安良共臻蕩平之治欽此

五城竊案

一京城外七門以內五城坊官所管地方失竊以報官之日起事主未報者以發覺之日起均限三個月緝拏限內獲賊及半免其查參獲不及半將該坊官住俸再限一年緝拏限內全獲或拏獲及半准其開復如逾限不獲罰俸一年

公罪 賊犯照案緝拏其有家人偷竊伊主財物之案照此一體限緝

一五城地方失竊令事主於報明坊官後卽赴該城呈報若該坊官因事主漏報該城遂卽諱匿不報經巡城御史查參將該坊官降一級留任限六個月緝拏限內獲犯准其開復不獲照所降之級調用

私罪

該城御史隱匿不參亦照坊官例處分如失於查出將該御史罰俸三個月

公罪

一五城竊犯未經照案緝拏之先俱令山東道御史按限將坊捕提比其坊官有廢弛怠玩者該御史隨時查參將坊官降一級調用

私罪

如山東道御史不參經都察院查參照失察屬員諱竊例將該御史

罰俸三個月 公罪 巡城御史不行催緝亦罰俸三個月 公罪

家奴盜竊

一旗下家奴爲盜窩盜及犯竊罪至發遣以上者其主失察一二人罰俸兩個月三四人罰俸三個月五
六人罰俸一年七人以上降一級留任再罰俸一年十人以上革職 俱公罪 自行查出送部者免議

外省竊案

一外省地方報竊案件贓至百兩以上承緝官限六個月緝拏限滿不獲罰俸六個月 公罪 再限一年緝

拏限滿不獲罰俸一年 公罪 賊犯照案緝拏若贓已滿貫亦限六個月緝拏限滿不獲罰俸一年 公罪

再限一年緝拏限滿不獲罰俸一年 公罪 賊犯照案緝拏如限內全獲或拏獲首犯俱免其參處如全

獲夥犯而起意爲首之犯未獲仍照例查參

衙署被竊

一文武官員衙署被竊失事之員卽行申報其有關倉庫錢糧者扣限四個月題參疎防若止行竊署中
衣物將承緝州縣官扣限六個月查參贓未滿貫者初參罰俸六個月再限一年緝拏限滿不獲罰俸

一年 俱公罪 賊犯照案緝拏贓已滿貫者初參罰俸一年再限一年緝拏限滿不獲罰俸二年 俱公罪 賊犯

照案緝拏其管轄兵民之地方官衙署被竊無論賊數已未滿貫均再罰俸一年公罪若不行申報別

經發覺將諱竊之員降一級留任私罪限一年緝拏限內獲犯准其開復不獲照所降之級調用私罪

其非管轄兵民之員被竊不報罰俸六個月私罪已報者免議

諱竊

一地方報竊州縣官諱匿不報者每案罰俸六個月私罪不行查揭之府州罰俸三個月公罪

一竊案賊未滿貫地方官勒令事主少報者照諱竊例議處賊逾滿貫勒令事主少報者照失出例分別

議處例載審斷門

五城盜案

一嘉慶二十二年二月初六日奉 上諭嗣後京城外七門以內尋常竊盜案件三月限滿題參如有

執持器械嚇禁強劫之案二月無獲卽行題參其九門以內尋常竊盜案件二月題參強劫之案一月

無獲卽行題參著爲令欽此

一京城外七門關廂以內五城所屬地方遇有劫盜殺人之案將專管地面坊官革職留任予限兩個月

緝拏限內全獲准其開復限滿不獲題參革職公罪如係一二人行竊行搶遇有殺人之案勒限兩個

月緝拏限滿不獲卽行題參將專管地面坊官革職留任再限六個月緝拏限內全獲准其開復限滿

不獲革職公罪盜犯交與接任官限一年緝拏限滿不獲降一級留任公罪再限一年緝拏限滿不獲

降一級調用公罪盜犯照案緝拏

一五城所屬地方遇有持械嚇禁強劫之案兩個月限滿不獲卽行題參將專管地面坊官摘去頂帶降

三級留任公罪限一年緝拏限內全獲准其開復拏獲一半兼獲盜首窩家者給還頂帶免其復參以

獲犯之日起扣限三年無過開復餘賊照案緝拏儻一年限滿獲不及半及全未獲犯者卽行咨參將

該坊官降三級調用公罪賊犯交與接任官照案緝拏其限內獲賊及半而盜首窩家未獲者仍照盜

首未獲例查參

一五城地方尋常盜案扣限三個月題參該坊官無庸摘去頂帶

一圓明園爲駐 踴重地所有附近之三十三村莊侯家莊 過街樓 水磨村 待衛營 吉水莊 成府村 槐樹街 蔣家衛街

杭家村 佟府村 紅橋 雙斗橋 南樓門 掛甲屯 五空閣 馬廠東門 一畝園 自得園 大有莊 坡上 松樹畦 青龍橋城關 青龍橋 安河橋 豐益倉 石作村 哨子營 蕭家衛

衛 老爺廟 前河沿 遇有尋常竊盜案件二月限滿無獲卽行題參持械嚇禁之案一月限滿無獲 樹村街 三河關

卽行題參照五城竊盜案各本例分別議處

一五城地方遇有一人行劫及一人行竊臨時行強或臨時拒捕並一人白晝搶奪之案無庸題參疎防扣限四個月咨參照京城盜案例辦理

一五城劫盜案件該坊官於報案時不確查盜數卽照外省州縣官例罰俸一年公罪若抑勒事主減報

盜數及自行刪減盜數者卽照外省州縣官例革職私罪該城御史失於查出亦照外省府州例罰俸

一年公罪至該坊捕役如有蒙賊分贓過事主包庇之案該坊官不行查拏或已經查拏只藉端責革

不照例治罪卽照外省州縣官例降四級調用私罪該城御史查知該坊官徇庇捕役不行題參卽照

同城之府州降二級調用如失於查察卽照同城之府州降三級留任公罪儻捕役業已獲盜得財

故縱該坊官亦照失察書役犯贓例議處

一五城劫盜案件事主呈報後該地面坊官如諱匿不報卽照外省州縣例革職私罪該城御史扶同徇

隱卽照外省上司例降三級調用私罪如係失於查出卽照同城之府州降二級調用例改爲降二級

留任公罪如該坊官至獲犯後始行補報仍按其遲延月日照事件遲延例議處如該坊官未經查出

補報由別城地面獲犯供出移查始行申報該城御史查明並無諱盜情事卽照外省州縣官地方命

案不知情不行申報例降一級留任公罪該城御史亦照同城府州例罰俸一年公罪

一五城盜劫案件令該坊官按照呈報盜數全行弋獲如獲不及半仍行照例題參若盜首不獲卽照承緝盜首例議處儻能於參限內拏獲及半兼獲盜首窩家係革留之案自獲犯日起扣限四年無過開復降留之案自獲犯日起扣限三年無過開復至巡城御史於地面盜案該坊官未獲犯及半者統歸未獲之案計算其一年任內未獲六七案以下仍照罰俸之例議處十案以上議以降一級留任公罪

一刑部辦理五城盜賊案件如有在逃逸犯應由刑部於定案時將該管地面官弁拏獲盜賊名數及逸犯名數隨案於稿尾聲明移咨吏兵二部查覈辦理以上四條同治元年四月初十日奏定

查驗被盜情形

一地方呈報強劫盜案責令州縣印官不論遠近無分風雨立即會同營汛飛赴事主之家查驗前後出入情形有無撞門燬戶遺下器械油捻之類事主有無拷燎網扎傷痕并詳訊地隣更夫救護人等有无見聞影響當場訊取確供俱填註通報文內如州縣官不親詣查驗或竟將未曾目見之情形捏作親詣填報者將州縣官革職私罪該管府州捕盜廳員降三級調用道員降二級調用俱公罪揭報題參

者免議如已經親詣查驗僅止遲延一日者州縣官降一級調用府州捕盜廳員降一級留任道員罰俸一年遲延二日者州縣官降三級調用府州捕盜廳員降一級調用道員降一級留任遲延三日者

州縣官革職府州捕盜廳員降三級調用道員降二級調用

俱公罪

一失事地方印官公出該佐貳捕官一面會同營汛先行勘驗查緝一面申請隣境印官復加查驗隣境印官推諉不行降一級調用

私罪

或將未曾目見情形傳會佐貳捕官捏作親詣者降三級調用

私罪

題參疎防

一各直省盜案以失事之日起限四個月題參疎防如該督撫不將報盜日期備載疏內者罰俸一年

公罪

如將失事地方在城在鄉及有無設立墩堡防兵之處遺漏聲明者罰俸六個月

事主報盜

一嘉慶十二年五月十九日奉

上諭御史陳蘭疇奏請嚴飭州縣諱盜惡習以除匪類而安良民一

摺所奏甚是民間呈報盜案地方官慮干處分往往恐嚇事主抑令報竊或勒改呈詞或逼遞悔狀間有報案或因供證未確情節稍歧先將事主多方苦累其派出捕役並不上緊緝拏正犯轉先向事主之家誅求無已索取酒食講說規禮一切盤纏花用無一不取給於事主小民計算呈控到官爲費不貲輒相率隱忍不報可見胥役之爲害甚於盜賊而地方官置若罔聞一任胥役橫索貽害無窮無怪盜風愈熾而上控之案愈多也向例事主報盜止許聽審一次認贓一次法禁綦嚴乃地方官縱役一

至於此該御史所奏不爲無見著申明定例嗣後凡遇民間盜案地方官踴看明確立時緝辦如有諱盜不報者卽當嚴參治罪俾知失察之咎輕而諱飾之罪重庶可挽回錮習其捕役人等尤當嚴禁需索事主勒限緝拏速爲斷結勿任往返拖累儻仍有諱盜勒改呈詞故勘事主或任聽胥役等恣意勒索等事一經告發或被人參奏必將地方官從嚴懲治其該管上司亦一體交部嚴議決不姑貸將此通諭知之欽此

一州縣抑勒事主以強報竊將州縣官及各上司均照諱盜例分別議處

一州縣抑勒事主減報盜數或將未獲盜犯誑報已死者俱革職

私罪

府州失於查出卽爲轉報罰俸一

年道員罰俸九個月臬司罰俸六個月

俱公罪

督撫不詳覈具題罰俸三個月

公罪

若上司自將盜數刪

減卽照州縣例革職

私罪

一事主具報失竊之案呈詞內有強劫字樣者地方官並未親詣查驗卽以失竊申詳定案後經上司查

明卽實係竊案亦將不親詣查驗之地方官降二級調用

私罪

道府同知通判不行指駁降一級調用

公罪

如係盜案均照諱盜例議處若事主以強報竊之案後經發覺仍令地方官據實確查申報該督

撫查核報部其未經確查仍以竊案朦混申報者查出將捏報官革職

私罪

扶同轉報之上司降三級

調用 私罪

一地方盜案如有必須取問事主之處准其傳訊若並無應問情節地方官借端吹求輒將事主提審需索苦累已致死者州縣官革職治罪 私罪 府州降三級調用道員降二級調用臬司降一級留任 俱公罪

未致死者州縣官降三級調用 私罪 府州降一級留任道員罰俸一年臬司罰俸六個月 俱公罪 若該上

司於已經致死之後揭報者不准免議

一竊盜案件州縣官不票差緝捕轉將印票給與事主令其自行訪緝者降一級調用因而藉稟滋事者

降三級調用致釀人命者革職 俱公罪 不行查出之府州罰俸一年 公罪

州縣官報盜

一地方被盜州縣官推諉隣封不行詳報者革職已經申詳復彼此推諉者查明地界將不應推諉之員

降一級調用 俱私罪 轉詳官罰俸一年 公罪

一州縣報盜不確查盜數或不開送地方官職名者俱罰俸一年 公罪

一盜案止報巡撫不報總督者罰俸六個月 公罪

一地方盜案州縣官於會營詣勘之後限三日通稟如延至十日始行具稟者記大過一次十五日記大

過二次二十日通稟卽照應申不申律罰俸六個月公罪儻係有心諱匿不報別經發覺仍照諱盜例

議處

例載本卷

其通稟通詳均應於勘驗之日起限不准以通稟之後再起通詳之限若已經獲犯延至二

十日始行通稟仍照應申不申律罰俸六個月查係詳報遲延仍照事件遲延例議處例載限咸豐十

年八月十五日奏定

一事主被盜未報經本管州縣查出補報或拏獲別案盜犯審出補報者無論前任後任均免其議處如

由隣境別省獲犯供出移查始據自行補報者經該督撫查明並無諱盜情事將本管州縣官照所屬

地方有殺死人命不知情不行申報例降一級留任

公罪

同城之道員府州同知通判等官俱罰俸一

年不同城在百里以內者罰俸六個月在百里以外者罰俸三個月

俱公罪

若該道府等係自行訪出或

由所屬州縣查出者祇將本管州縣官議處道府等均免議其專兼統轄各官疎防限緝處分仍照例

補參覈辦

一地方盜案州縣官於會營詣勘之後卽用印文通詳如先未通詳僅止通稟直至獲犯招解始行補詳

或犯已就獲未及通詳因卸任而移交後任補報均照事件遲延例逾限不及一月者罰俸三個月一

月以上罰俸一年半以上罰俸二年一年以上降一級留任

俱公罪

若在任既未通詳亦未獲犯因卸

事而移交後任計其詣勘之日起至卸事之日止遲延十日以內者免議逾限未及一月者州縣官罰俸一年該管府州罰俸三個月一二月以上州縣官降一級留任府州罰俸六個月三個月以上州縣官降一級調用府州罰俸九個月四五月以上州縣官降二級調用新増

外省盜案

一凡道路村莊被劫以失事之日起扣限四個月盜犯未獲題參疎防將承緝州縣印捕官住俸限一年緝拏限滿不獲降一級留任再限一年緝拏三限不獲再留任一年緝拏四限不獲照所降之級調用

俱公罪盜犯交與接任官照案緝拏捕盜廳員無論同城不同城初參停陞罰俸六個月限一年緝拏限滿不獲

俱公罪盜犯照案緝拏同城府州初參停陞罰俸六個月限一年督緝限滿不獲罰俸一年俱公罪

罪盜犯照案緝拏不同城府州初參罰俸六個月限一年督緝限滿不獲罰俸一年俱公罪盜犯照案緝拏

罪盜犯照案緝拏不同城府州初參罰俸六個月限一年督緝限滿不獲罰俸一年俱公罪盜犯照案緝拏

亦照此例議處其沿江地方設有巡江官員者如有疎防將巡江不力之員罰俸一年公罪

一城內民居被劫照限題參疎防將承緝州縣印捕官住俸限一年緝拏全獲開復限滿不獲降一級調用

公罪盜犯交與接任官限年緝拏同城捕盜廳員初參住俸限一年緝拏全獲開復限滿不獲降一

級調用 公罪 盜犯交與接任官照案緝拏同城府州初參住俸限一年督緝限滿不獲降二級留任 公罪

盜犯照案緝拏同城道員初參罰俸一年限一年催緝限滿不獲降一級留任 公罪 盜犯照案緝拏不

同城之府州捕盜廳員道員均照道路村莊被劫例議處

一官署被劫倉庫監獄有失者照限題參疎防將承緝州縣印捕官革職留任勒限一年緝拏全獲開復

限滿不獲革職 公罪 盜犯交與接任官限年緝拏同城之捕盜廳員初參革職留任限一年緝拏全獲

開復限滿不獲革職 公罪 盜犯交與接任官照案緝拏同城府州初參降三級留任同城道員初參降

一級留任均限一年催緝全獲開復限滿不獲均照所降之級調用 公罪 盜犯交與接任官照案緝拏

不同城之府州捕盜廳員初參降一級留任再限一年緝拏限滿不獲照所降之級調用 公罪 盜犯交

與接任官照案緝拏不同城道員初參罰俸一年 公罪 限一年催緝限滿不獲降一級留任 公罪 盜犯

照案緝拏其被劫之本署官庫獄有失即照印捕官例議處若倉庫監獄無失將承緝督緝各官俱照

城內民居被劫例按限參處本署官亦照城內被劫印捕官例議處

一省城內被劫有總督及無總督省分之巡撫俱罰俸六個月 公罪

一駐劄城外大小文武衙門官署被劫照例題參疎防將承緝州縣印捕官住俸限一年緝拏限滿不獲

降一級留任再限一年緝拏限滿不獲照所降之級調用 公罪 盜犯交與接任官限年緝拏其捕盜廳

員府州道員仍照道路村莊被劫例議處本署官有管轄兵民之責者卽照承緝印捕官例議處

一盜案疎防失事地方係吏目典史管轄者將吏目典史查參係巡檢管轄者將巡檢查參其捕盜同知通判州同州判等官有分防地面者亦照此例

一盜案疎防日期在各官帶印公出期內者初參免其處分應停陞者仍停陞其二三四參仍各照限年緝拏之例辦理

一行劫倉庫監獄盜犯承督各官於疎防限內拏獲及半兼獲盜首及窩家窩緝者免議如在二參限內獲犯卽將降留革留各處分以獲盜之日起扣滿三年四年無過分別開復其年限內能全獲者仍將原處分查銷

一城內城外尋常盜案承督各官於參限內能拏獲及半兼獲盜首窩家者將原參處分均予查銷餘犯

照案緝拏

此條盜案承督各官參限內能拏獲及半兼獲盜首窩家者原參處分均予查銷如二三案限內獲犯將初二三參職名補送到部其補送職名例有專條應照補送職名時其案已結

例罰俸完結不得仍照原參處分均予查銷之例概予免議至前已開參於限內獲犯之案疊請查銷原議處分其議罰俸處分毋庸查銷歷來辦理在案仍應照案辦理其餘停升仕俸降留限緝概予查

銷
道光二十九年八月呈堂備案